

**CICIKOANBADIEGU**

**BULICINA FASO**

Taanyenma - Findima - Teginma

-----  
**GUVENEMA MASOAGINDO**

**BAALO KOANBALA TAANLI  
JAGA DOAGIDIMA**

(PP-G/TRANS N°027-2024)

**Rimaliba Jan Emanuweli WEDARAWOGO**

**Wagadugu li binli 2024 cinii o dana 14**

Tinunga 1 bonmu 30 nni

Baalo Koanbala Taanli den kali Wagadugu nni

nani ban maani ki tiedi maama dana lele kuli,

alaalibu daali, li binli 2024 cinii o dana 14,

ki cili leeri 9 yogunu ki ban gbeni leeri 15 leni miniti 25.

Kapitenni Ibarayimi TARAWORE, yua n tie ti diema Yudanciamo

leni a Koanbala Taanli Liigiyua n den gobidi laa taanli.

.

A Koanbala Taanli den noanli li daali mayula nni

ki taa a jaga, ki puni i laabaali,

ki dini bi niba a bala li tuonli po, ki puni u sanu

bi niba n gedi dietoama nni ti diema yeli po.

.

**I. A JAGA**

## **I.1. BULICINA FASO YUDANCIAMO BADIDIEGU KANI**

A Koanbala Taanli taa **jagalie (02)**

**Li cicijagili** tuugi leni ‘‘Sayeli dogi taanma’’ n kaani yaa cagili ti diema nni cilima, li tuona, yaa niba n baa yaa ye li cagili yeni nni n baa yaa da maama leni laa cagili n baa yaa cuoni maama.

Ti diema nni cagili yaali n tuugi leni ‘‘Sayeli dogi taanma’’ tie yaa cagibiga n baa yaa bogindi, ki gobidi, ki go diidi ‘‘Sayeli dogi taanma’’ (AYESI) tuginyenma tuona n cuoni maama. Laa cagibiga ti diema nni n baa yaa bogindi yaa sanbila n baa todi ti diema Yudanciamo nunlema AYESI dogi taanma cenli namu po.

Laa cagibiga ti diema nni n go baa yaa tuuni yaa tuona n tie na:

- ki yaa diidi ‘‘Sayeli dogi taanma’’ Yudancianba taana leni bi Koanbala taana n taa yaa jaga tienma;
- ki yaa bogindi AYESI dogi Yudancianba taana, leni bi Koanbala taana leni AYESI cagili saliwuditieba liigiyaaba taanboginkaana.
- ki yaa taandi a yankpaaga AYESI dogi tuginyenma namu saala po;
- ki yaa taandi yaa jaga n baa teni AYESI dogi taanma n baa i jiinmoani;
- ki yaa tendi yogunu kuli bi niba i tundi AYESI dogi taanma nunlema po.

Mi diema Yudanciamo n baa yaa gobidi ti diema nni ‘Sayeli dogi taanma ‘‘AYESI diema’’ cagibiga.

Laa jagili taama baa teni ti diema nni Sayeli dogi taanma cagibiga n cili ki go teni laa cagili n yaa tie yaa cagibiga n baa yaa gobidi AYESI dogi taanma tuona cenli namu.

**Li jagilieli (02)** tuugi leni Bulicina nni mi kuran atomiki (mi yencianma) tuonsoanjaali (ABEYA) cilima, li tuona, yaa niba n baa yaa ye li kani n baa yaa da maama leni laa tuonsoanjaali n baa yaa cuoni maama.

Ki tugini leni ti diema Yudanciamo n den teni yaa sanbila li binli 2023 nni, yaa koanbali n diidi kuuran tuona leni ki tinga tugu nni piama tuona leni Irisi diema nni kuran atomiki tuoncagili (ROSATOMI) den taani ki ñii masienkaama tili yaali n baa teni kuran atomiki tagima ti diema nni n findi mi banma, mi tagima leni ti logitodi sanbila nni.

Laa jagili sugini ki teni ti diema nni kuran atomiki tuonsoanjaali n kali lan teni mi yencianma kuran tagima tuona n baa boginmoanma.

Laa tuona tie nani:

- ki todi kuran atomiki tagima nunlema sanbila n taa, ki yaa faami laa sanbila tienma po nani yaali n tie tiladi ti Koanbadiedi nni leni ti tuonsoandiedi nni;
- ki kpaagi ki go taa mi diema po jagimoanli kuran atomiki sanbili nni nani Gufenema n bua maama ke li tie tiladi;
- ki todi yaa balimaama n yegi leni kuran atomiki sanbila dianma;
- ki teni yaa sanbila leni yaali kuli n baa todi mi banma n pugini kuran atomiki tagima fuuli nni n yaa cuoni.

Laa jagili taama baa teni Bulicina kuran atomiki tuonsoanjaali n pu lan yaa tie gbaamoanli yaali n baa findi mi yencianma kuran tuontaana Bulicina Faso nni.

## **I.2. KU CICKOANBADIEGU**

A Koanbala Taanli taa **jagiyenli** yaali n tuugi leni Gufenema Koanbala tuona.

Laa jagili bua ki goa ki bogini Gufenema Koanbala tuona nani yaa jagili n den taa li binli 2024, cinii ŋmaalo danyenli (01) daali, ki waani Gufenema Koanbala n tie yaaba.

Laa jagili doagidi yaa paadima n kali:

- yaa koanbadiegu n die a bonwaala leni a bicegidinkaana cogu, ti maamaamaama cogu leni ti diema mabuoli findima (MENAPELENI) leni yaa koanbadiegu n diidi ku gbanansaagu jeliti tuona, leni bi nipanba leni a tuona maama. Laa paadima mali yaa koanbadiegu n die a biwaala cogu, ti maamaamaama cogu leni ti diema mabuoli findima leni yaa Koanbadiegu n die a bicegidinkaana cogu leni mi tuonbanma bangima ;
- yaa koanbadiegu n diidi ti diema tinbuona, komininba gobidima tuona leni li guunli (MATEDEYESI) paadima mo mali yaa Koanbadiegu n die li guunli leni yaa Koanbadiegu n die ti diema tinbuona gobidima leni li sancenli tuona. Laa paadima po guani li sancenli leni u yogunu diidima tuona yaa Koanbadiegu n die ti diema tinbuona gobidima leni li cenli tuona nni.

Yaa koanbadiegu n die ti tiadi tugima leni bi niba sancenli i dogi nni leni i sani nni ŋamu sedi ke yaali n ŋua leni li sancenli guunli mo guani yaa Koanbadiegu n die li guunli kani.

Laa jagili taama teni ke Gufenema Koanbala tuona kuli doagidi bi tuona cenli ŋamu po.

### **I.3. YAA KOANBADIEGU N DIIDI TI DIEMA LOAGU, I LIGI LENI A TUONBOGINKAANA**

A Koanbala Taanli taa **jaganaa (04)**

**li cicijagili (01)** puni u sanu li tataan-kpenkpendi-tuonli findima cagili ban yi yaali APEKI n kuani i ligi Bulicina nni yaa tuonsoancagili n tuuni tomati tuona ke bi yi li SOBETO ligiyuli nni.

Yaa tuonsoancagili n tuuni tomati tuona Bulicina nni yegi leni u loagu danba n baa yaa yantiali ki bua tomati kpenditaali n findi Bulicina Faso nni. Laa tuonsoancagili ligi baa yaa ña a nicaga tataanligi kane.

APEKI ligi kuanma SOBETO ligiyuli nni baa pugini tomati kpaabu, o lebidima leni o kpendu n tandi a koajaana nni.

Laa jagili taama baa teni li tataan-kpenkpendi-tuonli findima cagili (APEKI ) n kuani i ligi yaa tuonsoancagili n tuuni tomati tuona Bulicina nni yaala n pundi **miliyon kobita n piimuu (350 000 000) Sefa ligi nni**. Lani n tie boaga piita n tudamuu, boagili kuli fii **dudalie ( k 2 000) sefa ligi nni**, ke li go tie li ligiyuli nni 20%:

**Li jagilieli (02)** doagidi Bulicina Faso n biliti yaa ligi u loagu findima leni mi yema ŋamu po (FEBEDESİ) leni Wagadugu kominno n bilidi yaa ligi li tatasancenli tuonsoancagili (SOTIRAKO) lijali nni puginma.

Li pundi yogunuba ke li tataasancenli lola tuonsoancagili (SOTIRAKO) ye leni a paka i ligi leni li boginli sanbila nni ŋali ke li guandi laa cagili yema ŋamu puoli, baa leni Baalo n tie yaa anialo laa tuonsoancagili tuona po.

Ki taa ki tugini leni SOTIRAKO n pia yaa todima bi niba sancenli po, ki ban cie a cogibila leni a cogibigbenga po, Gufenema taa li jagili ki guani ki bogini laa tuonsoancagili ligiyuli lan teni a tuona n yaa cuoni ŋama leni mi gobidiŋanma.

Laa goaboginma po, SOTIRAKO n den kaani yaa taancianludikaali li binli 2024, cilie ŋmaalo o 24 daali, den bili ke ban guani ki bogini li tuonsoancagili yeni ligiyuli yaali n bi tie **miliyon kobinii (800 000 000) sefa ligi nni** n pundi

**miliyaadi bonbimuu (5 000 000 000 000) sefa ligi nni**, Baalo boaga n yaa tie 75% ke boncelidanba mo tie 25%.

Laa jagili taama baa teni Bulicina Faso nni yaa ligi n koa leni u loagu findima leni bi niba yema namu po leni Wagadugu kominno n biliti yaa ligi li tataasancenli lola tuonsoancagili (SOTIRAKO) ligiyuli nni n pugini.

**Li jagitaali (03)** doagidi bi baalo tuonsoanba leni ban puogidi yaa niba a tuontiamma soanma panpaani n baa noadi yaa sanbila.

Laa jagili noadi leni ban den bolini yaa jaga, **yenli** li binli 2012, ciyia o 11 daali ke li lanba tie n°2012-720/PRES/PM/MEF ke li tuugi leni Bulina Faso baalo tuonsoanba tuona panpaani sanbila ; **lijagilieli** mo li binli 2016, cinaa dana 7 ke li lanba tie n°2016-154/PRES/PM/MINEFID/MJDHPC ki li tuugi leni Bulicina Faso nni a bujiala tuona panpaani sanbila maama.

Laa jaga bolinma den taa a Koanbala Taanli yaali n den kali li binli 2024, ciluoba o 12 daali ke li yegi leni yaa poadima n den ye laa jaga nni ki go noadi leni ban baa yaa yantiali ki baa guani ki bogini nama Baalo n nãandi yaa ligi a tuona po.

Yaa jagili n tie na cuani lebidicanma yaama n den poadi a jagilieda yaa ke bi bolini a yeni nni. Lan tie:

- yaa tuona n yegi leni i panpani kuli wadima;
- ki nãani balimaama yaali n tie ban puogidi yaaba a tuontiamma ke bi naa tie Baalo saliwuditieba panpani po;
- ki yaa gobidi nama yaa caga n kali i badi boginma panpaani.

Laa jagili taama baa teni Baalo saliwudidiedi n yaa cuoni nama ki go wadi yaa ligi n nã Baalo tuona cenli namu po.

**Li jaginaali (04)** doagidi Polisinba leni Sandalimanba panpaani sanbila li guunli tuona nni bi nitianba po.

Li guunli tuona yegi leni yaa niba kuli n fii leni ti tuonsoantiadi bi a bogina ki baa tuodi ki guudi, ki bandi yaala kuli n baa tua jalibu o nisaalo po bi li nicagili po.

Yaa tuona n yegi leni Baalo saliwuudo liigiyaaba leni komininba tuosoanba liigiyaaba guunli naa ta laa jagili taama nni.

Laa jagili taama baa teni ban bili Polisinba leni Sandalimanba tuona panpani li guunli po n baa ɲoadi yaa sanbila.

#### **I.4. YAA KOANBADIEGU N DIE TI DIEMA LENI DIETOAMA SIIGA TUGINMA TUONA LENI TI DIEMA NIBA YAABA N YE DIETOAMA NNI MAAMA**

A Koanla Taanli taa **jagiyenli** ki sieni Bulicina Faso tondo yua n ye Maniyi, Filipini diema nni tuona, ke li ɲoadi leni wan mia maama.

Yaa jagili n den taa li binli 2009, piiga n cilie ɲmaalo 31 daali ke li lanba tie n°2009-921/PRES/PM/MAECR/MEF n den luodi Bulicina Faso tuonsoandiegu Maniy po. Li yaa puoli, bi go den taa jagitoali li binli 2009, piiga n cilie o ɲmaalo o 31 daali ke li lanba mo tie n°2009-922/PRES/PM/MAECR/MEF, ki den dini **Roberi C. GOYUTAYI** wan tua Bulicina Faso tondo laa dogu nni.

Piiga n binanaa ne leni **Roberi C. GOYUTAYI** n tuo ki puni o yuli Bulicina Faso po, ama moala o ji sugini ki fuodi leni laa tondituonli kelima waa pia laafia po.

Yaa cagili n tie na taama sieni Bulicina Faso tondo tuona Maniyi, Filipine diema nni nani yaa jagili n den taa li binli 2009, ciluoba o 09 daali n bili maama yaala n tie Bulicina Faso tondo tuona dietoama nni n baa ɲoadi yaa sanbila.

## **I.5. YAA KOANBADIEGU N DIIDI TORIYABA, MI NIÑINGBADIMA, U TAAYIENU LENI U DIEGU YEMA TUONA**

A koanbala taanli tuo **tiwaankayenli** ke li tuugi leni yaa tiwaankaali ke bulicina Faso maani ki dangi ke li yegi leni bi puoba Gagidima bi niba siiga bolinma balimaama ke bi yi ma SEDEFI.

Bulicina Faso tuo ki ñii bi puoba Gagidima bi niba siiga bolinma balimaama li binli 1984 piiga n cilo 28 leni yaa mabilikaama n tuugi leni ma li binli 2005 cilele 26. Yaala n tuugi leni laa balimaama ñiima leni mi ñoamabonli 18 kani, ti diema den taa u ñoanianu ki baa yaa dangi binanaa kuli yaa tiwaankaali n doagidi yaa jaga n taa bi puoba Gagidima bi niba siiga bolinma po.

Ban maani ki dangi ya siiga li tiwaankaniili dianma ñoadi SEDEFI sanbitenkaana. Laa tiwaankaali n doagidi yaala tianla tie:

- yogunu waamu jaga ya n ye aba ke bi taa a ki baa wadi bi puoba leni a bonpola Gagidima bi niba siiga ;
- yaa tuona n bogini ki baa bolini ku maasuagu tuadibiada ;
- yaa jaga n ye ki koani leni bi puoba kuadima leni bi puoba mula kpendu ñuadi ;
- bi puoba kuanma mi diema leni li ñandunli tuona nni n cuani yaa ñuadi;
- yaa jaga n taa ki baa pugini bi puoba nukubili;
- yaa puginma n waani ke ti suagi liiga leni bi niba kuli n pia yaa sani ke li da li bali maama leni ti buudi nni.

A koanbala Taanli puogi yaa koanbali n die laa maama n taa a jaga ki soagini laa tiwaankaniili yaali ke Bulicina Faso diani yeni yaa Cagili n tuuni bi puoba gagidima buoli kuli bolinma po.

## **I.6. LI LAAFIALI KOABADIEGU KANI**

A koanbala taanli tuo **tiwaankaana lie (02)**.

**Li tiwaankakpiali** tuugi leni **jaga lie ya ke bi bogini a** ke li kpiali tie ki goa ki pandi bali ; li bonlieli tie niyendo kuanma yaa cagili n gobidi yaa tuona n nani li laafiali po (lan tie SERISI).

Laa jagili taama baa todi ban goa ki pandi niba **taa (03)** bala, ki dini niyendo mo wan kua yaa cagili n gobidi yaa tuona n nani li laafiali po, nani li ñoamabonli n°2002-536/PRES/PM/MS/MESSRS ban den taa yaali li binli 2002 piiga n cilo 21 ki kaani yaa cagili n gobidi yaa tuona n nani li laafiali po .

**Li tiwaankalieli** tuugi leni **yaa jagili ke bi bogini** ke li tuugi leni Bulicina Faso nni yaa buuma n ki yegi leni pani ki pugini li laafiali tuona yaa lotodiena ke bi baa fidi ki ñiada niinni.

Bulicina Gufenema baa yaa lotodiena ke bi baa fidi ki ñiadi a yeni ke lan todi li laafiali tuona n tandi ki pugini yuakuli po, yaaba n ban cie mo tie yaaba n ye a dobila nni po. Laa lotodiena nni bi niba baa fidi ki baa ti yianbidi buuma leni bi puoba biina leni bi puodi biigima leni ti junjundi masina.

Yaa lotodiena ke bi baa fidi ki ñiadi a yeni baama n lingi yaala tie ke bi niba kuli n baa mi buuma ke li tie yenma, an tie piado bi an tie taliga.

Li binli 2024 cilele 25 daale ke ti diema Yudanciamo den teni laa lotodiena, ki puogi yaaba n tugi li laafiali tuona yuli n moandi ke a lotodiena yeni niinni mi buuma n da yegi leni ligipama.

Laa jagili taama baa teni yaa lotodiena ke bi baa fidi ki ñiadi a yeni n tandi ki gedi i kaani kuli Bulicina Faso nni ke lan yuagi bi niba tuga i yiani buuma nni.

## **I.7. YAA KOANBADIEGU N DIIDI MI TAGIMA TUONSOANDIEDI FINDIMA, U KPENDU TUONA LENI U NUU TUONSOANBANMA**

A koanbala Taanli taa **jaga lie (02)**.

**Li jagikpiali** bili ke yaa tuonsoandiegu n bogindi u nuu tuona badi Wagadugu nni (SIYAWO) n ji baa yaa die u nuu tuonsoandiedi.

U nuu tuonsoandiettaadi (03) yaadi ke SIYAWO baa yaa die tie Wagadugu, Bobo Julaso leni Kaya yaadi. Laa nuu tuonsoandiettaadi den pia a paka boncianla. Laa paka siiga tiama tie:

- laa diedi naa pia maamaatili;
- i ligi poadima po kan tuo ban maa dietoana ki pugini, bi ki tugi ti diedi yeni cenli namu tuga;
- yaa pana n ye kelima u nuu tuonsoanba ki baadi bi ligi u yogu ;
- yaa pana n ye ki tuugi leni mi nima leni kuuran pani;
- li bontagikaala kuadima naa yabi ke noadi bi niba n kaa tadi ki bani laa nuu tuonsoandiedi maama .

Ki fidi ki paani laa paka, line jagili cuani yaa boncanla n tie ne :

- ki taa u nuu tuonsoandiedi yeni n die yaala kuli ki teni SIYAWO;
- u nuu tuonsoandiedi yeni gobidima baa kua SIYAWO nuu nni ;
- SIYAWO tuonjaana baa kali yaa dogi yaa niinni n pia u nuu tuonsoandiedi.

Laa jagili taama baa teni ban taa u nuu tuonsoandiedi yeni piama kuli ki teni yaa tuonsoandiegu n bogindi u nuu tuona badi Wagadugu nni (SIYAWO).

**Li jagilieli** cilini yaa tuonsoanjaali n yi « FASO RAAYI », baalo leni bonceli danba n taani ki die yaali.

FASO RAAYI cilima n lingi yaala tie ki tieni jiliji sani mi diema nni ke lan teni jiliji sani n tandi mi diema nni ke lan todi binli kuli yaa ligi n ña i sani ñanbima po n wadi, ki nan go todi bi niba leni bi bonpiakaala cena n yaa faali Bulicina Faso nni.

FASO RAAYI tuonciama tie ane:

- Jiliji sanu tiadi tagima leni yi bilima;
- Yaa kudi n baa mubini jiliji sanu tagima ;
- Jiliji sanu tialebidikaadi tagima ;
- Jiliji dietutuga tagima.

Laa tuonsoanjaali caanma ligi baa pundi miliyaari bonbipiilele (**70 000 000 000**) **seefa ligi nni** ; li tuonli n baa taa yaa yogunu tie ñmaali 18.

Laa jagili taama baa teni ban cilini yaa tuonsoanjaali n yi « FASO RAAYI », baalo leni bonceli danba n taani ki die yaali.

## II. I LAABAALITENKE

**II.1.** Yaa koanbali n diidi i laabaali, ku maasuagu, leni yanluadi goada tuona waani a Koanbala Taanli ke Bulicina Faso diema den gedi ki ban taani li taancianli piinaa n bonluobili (46) nni yaali n diidi u cogu, mi banma leni ku maasuagu tuona li nandunli nni, Niwu Deli dogu po, Endi diema nni, cilele nmaalo, o 21 daali ki yaa ca o 31daali 2024 binli.

Laa taanli nne ke bi den taa yaa jagili n waani ke Tiebele badidiegu tie piame. Lanwani bi den diani gu nanduna maasuagu piama tili ni.

Bi go den waani Bulicina Faso n taa a jaga ki kubi Tiebele badidiegu ki teni laa kaanu n baa li mayuli ki pugini. Laa jaga tiama nne :

- Ki guudi i diankpeli (i fuudikpeli) ki nan go findi i dianpaani ;
- Ki yaa gobidi mi maama tuonsoantiacandi leni mi bancanma;
- Ki lingi Tiebele badidiegu gobidikoa.

**II.2.** Yaa Koanbali n diidi baalo saliwuudo leni yaa tuonsoanba n gaani i nmapani yema njamu yuan n daa bi diidi ti buudi leni o nisaalo n pia yaa sanbila tuona, ki tuugi leni a tuonsoanjaana koanbali po, waani li taancianli, Depitenba cagili tuona n noadi maama piiga n ciyendo nmaalo, o 11 daali li binli 2022 ki yaa ca cilele o dana 20 li binli 2024.

Depitenba cicitaanli cili piiga n ciyendo nmaalo, o 11 daali li binli 2022. Laa daali den tie ban kaani depitenba bi tuonli nni, ki go gandi bi liigiyua. Laa tuona den ban juodi leni ban fidi ki taa yaa sanbila ke a baa tua depitenba n baa yaa nua ya, ke li tili lanba tie n°003-2022/ALT piiga n ciyendo nmaalo, o 14 daali li binli 2022.

Ki baa taa piiga n ciyendo ŋmaalo o 11 daali li binli 2022, ki yaa ca cilele o dana 20 li binli 2024, depitenba tuona den diidi balimaama 66 leni balimaama taa mo ke bi daa diidi.

Balimaama 66 diidima yeni niinni, bi tuo balimaama 64; mi niinni, balimaama 17 ke bi taa li binli 2024 cilima ki taa ki cua cilele dana 20.

Laa yogunu nni, depitenba den ban kpaagi ki diidi baalo tuona tuontiamaa.  
Aninne:

- Li Cicikoanbali n den doagidi gufenema tuona ya o bali maama nni ;
- Ban tiedi Gufenema yaa buali;
- Ban tiedi yaa sancena i laabaali po;
- Yaa tuona ke Depitenba cuoni ki fiidi ki diidi ;
- Mi findima tuona boginma wanma.

Yaala n tuugi leni ti diema sienu waanma, li Cicikoanbali den maadi taalimilie,lan tie cimu dana 30 daali leni piiga n cililie dayenli li binli 2023 nni.

### III. BAN DINI YAABA A BALA

### **III.1. BANDINI YAABA A BALA TUONCELI PO**

#### **- A. KU CICIKOANBADIEGU**

- Barke Ibrahima **TALLI**, o lanba baalo tuonli nni tie **111 486 E**, o tie Polisinba Komiseeri, bi dini o li bali ke o tua yaa tuonsoanjaali n diidi tontoni labaalitenma leni i lebidima yogunu kuli gobidima canba.

#### **- B. YAA KOANBADIEGU N DIE I LAABAALI, KU MAASUAGU, LENI YANLUADI GOADA TUONA**

- Sita Danieli **BONZI**, o lanba baalo tuonli nni tie **247 621 F**, o tie ti junjundi tuona canbanciamo, bi dini o li bali ke o tua bonceli laabaalitenma ligi kpagu liigiyua;
- Pajukunam Jan-Batisi **WEDIRAWOGO**, o tie ti junjundi tuonsoanlo, bi dini o li bali ke wan tua li koanbali todikoa;
- O pua Sie **BORO**, o lanba baalo tuonli nni tie **226 362 C**, o tie ti junjundi tuona gobidikoa, bi dini o li bali wan tua ku maasuagu, leni yanluadi goada tuona tuonsoanjaali liiga yua Gansurgu Porovensu nni.

#### **C. YAA KOANBADIEGU N DIIDI TI DIEMA LIGI LENI A TUONBOGINKAANA**

- Baritelemi **DABIRE**, o lanba baalo tuonli nni tie **44 066 W**, o tie a luba gaama canbaa, bi dini o li bali ke wan tua ti diema cogidiecianni yaali n diidi mi diema ligi boginma tuona cogu (ENAREFI) liigiyua ;
- Rosinni **TIENDIREBEWOGO**, o lanba baalo tuonli nni tie **294 362 D**, o tie Baalo ligidiegu canbaa, bi dini o li bali ke wan tua ligikubili yudaano Manga lotodieciangu kani;
- Kuloja Hamed **WATARA**, o lanba baalo tuonli nni tie **322 785 R**, o tie Polisinba komiseeri gagidikoa, bi dini o li bali ke wan tua ti diema tuonsoanjaali yaali n diidi i ligi laabaali njanbima;

- Kulodja Hamed **WATARA**, o lanba baalo tuonli nni tie **322 785 R**, Polisinba Komiseri gagidikoa, ke bi dini o li bali ke wan tua, canbanciamo ti diema tuonsoanjaali yaali n diidi i ligi laabaali njanbima kani.

#### **D. LI GUUNLI KOANBADIEGU KANI**

- Wendinmanegide Emanuweli **SONGO**, o lanba baalo tuonli nni tie **227 558 S**, o tie Polisinba komiseeri gagidikoa, bi dini o li bali ke wan tua ku tuonsoandiegu liiga yua;
- Amedi **WEDIRAWOGO**, o tie minteligbengili ; bi dini o li bali ke wan tua ku koanbadiegu jaga taama kaanu liiga yua;
- Mamadou **WEDIRAWOGO**, o lanba baalo tuonli nni tie **227 573 T**, o tie Polisinba komiseeri, bi dini o li bali ke wan tua li koanbali todikoa.

#### **E. YAA KOANBADIEGU N DIIDI BU KPAABU LENI LI YANWUBILI TUONA**

- Musa Serisi **DAWO**, o tie mu dobimu findima bando, bi dini o li bali ke wan lebidi Isa SAWADOGO ki tua li koanbali todikoa;
- Serge Suleymani **KABIRE**, o lanba baalo tuonli nni tie **48 275 J**, o tie u cogu saliwuudi diedi tuonsoanlo, bi dini o li bali ke wan tua, li koanbali todikoa;
- Emilien Ulirisi Emanuweli Yiso **BAKONE**, o lanba baalo tuonli nni tie **288 546 C**, o tie li yanwubili bando, bi dini o li bali ke wan tua, li koanbali todikoa leni yudaano li yanwubili tuona boginli ligi 081 « li yanwubili piama guudima leni li kubima mi waagima nni »;
- Salifu **KONFE**, o lanba baalo tuonli nni tie **224 209 R**, o tie bu kpaabu gobidikoa bi dini o li bali ke wan tua, bu kpaabu leni li yanwubili tuona tuonsoanjaali canba Fada diema Porovensi nni;
- Valanten **BAKALA**, o lanba baalo tuonli nni tie **207 387 P**, o tie bu kpaabu gobidikoa, bi dini o li bali ke wan tua mu dobimu findima tuonsoanjaali canba Kudugu dogu nni.,

-

## **F. YAA KONBADIEGU N DIIDI TI LAAFIALO KANI**

- Patirisi **TOWE**, o lanba baalo tuonli nni tie **44 092 G**, o tie cogibigbenga canbaanciamo, bi dini o li bali ke wan tua li bonhanla lingima ti laafialo nni cagili tancianli nilo, binaa taa (03) po, li bakpiali yaa koanbadiegu n diidi a cogibigbenga cogu leni mi bancanma linginma tuona yeli po.

**Bi dini yaa niba yaa yela n nua ne a bala ke ban tua li bonhanla lingima ti laafialo nni cagili tancianli yaaba binaa taa po u yogunlielu po.**

**Yaa koanbadiegu n diidi a cogibigbenga cogu leni mi bancanma linginma tuona kani:**

- Kuane Makisimi **DIRABO**, o lanba baalo tuonli nni tie **29 603 M**, o tie mi lingima canbaa.

**Yaa koanbadiegu n die ti buudi leni o nisaalo n pia yaa sanbila tuona, ki tuugi leni a tuonsoanjaana kani:**

- Lalidawogo Usimani Olivie **WEDIRAWOGO**, o lanba baalo tuonli nni tie **30 680 Z**, o tie o nilo n pia yaa sani li nandunli nni tundikoa.

**Ti laafialo konbadiegu kani :**

- Alifonsi **WEDIRAOGO**, o lanba baalo tuonli nni tie **96 951 D**, o tie lotogbengili.

## **G. YAA KOANBADIEGU N DIIDI MI TAGIMA TUONSOANDIEDI FINDIMA, U KPENDU TUONA LENI U NUU TUONSOANBANMA KANI**

- **BALIBONE** pua Wendipuwire Fileeri Piridansi **NIKIEMA**, o lanba baalo tuonli nni tie **280 439 E**, o tie u loagu tuona tundikoa, bi dini o li bali ke wan tua mi tagima tuonsoandiedi findima canbaa.

**H. YAA KOANBADIEGU N DIIDI A COGIBIGBENGA COGU  
LENI MI BANCANMA LINGINMA TUONA KANI**

- Sibiri **SAWADOGO**, o lanba baalo tuonli nni tie **98 044 W**, o tie baalo saliwuudi komi, bi dini o li bali ke wan tugi u cogu yuli.

**I. YAA KOANBADIEGU N DIIDI LI DIEMAALI, KI TINGA  
TILA BONGINMA LENI U YEKAANU TUONA**

- Wendikuni Eme Apolineri **YELIYAWORE**, o lanba baalo tuonli nni tie **216 160 G**, o tie Baalo ligi tuonsoandiedi tuona bando, bi dini o li bali ke wan tua ligikubili gobidikoa yaa tuonsoandiegu n gobidi a dobuona n̄anbima leni li tanmaali tuona kani.

### III.2. YAABA N BAA A BALA TUONJAALI YELI PO

A koanbala taanli ɲoadi leni a tuona gobidikaaba badinli :

- Yaa tuonjaali n die baalo tuonsoanba yaaba n gaa mi fuodima ligi pama (KARIFO) kani, yaa tuonjaali n tie li gbaamoanli bi niba kuli laafiali pó (SENAMU) kani leni li tuonjaali yaali n kubi bonceli tuonsoanba yaaba n gaa mi fuodima ligipani (SENESESI) kani, yaa koanbadiegu n diidi baalo saliwuudo leni yaa tuonsoanba n gaani i ɲmapani yema ɲamu yeli po ;
- Yaa tuonjaali n tie mi tuonbanma, ki ciaga leni ti junjundi tuona po (SENASA) kani, yaa koanbadiegu n die i laabaali, leni maasuagu, leni yanluadi goada tuona yeli po ;
- baalo loagu kubili cogidielí (ENAREFI) leni yaa tuonjaali n die tiatia tuona mi diema nni (LONABE) kani yaa koanbadiegu n diidi ti diema loagu leni ligi yeli po;
- yaa tuonjaali n tuuni bu kpaabu leni li yanwubili tuona findima pó (DEKAFI) yaa koanbadiegu n diidi bu kpaabu leni li yanwubili tuona yeli po ;
- mi niñingbadima tuonsoanba cogidielí (INEFITESI) yaa koanbadiegu n diidi toriyaba, mi niñingbadima, u taayienu leni u diegu yema tuona yeli po;
- Siñare diema logitodieciangu kani , Kudugu diema logitodieciangu kani, Banfora diema logitodieciangu kani leni yaa tuonjaali n diidi bi tuonsoanba laafialo (OWESITE) kani, yaa koanbadiegu n diidi li laafiali yeli po ;
- yaa tuonjaali n tuuni ki lebidi u yienu, mi ñima leni u faalu ke li kpandi kuuran (ANERE) leni yaa tuonsoandiegu n tuuni mi tintama leni mu tinmu piama bandima tuona (BIMISEBI) kani yaa koanbadiegu n diidi kuuran tuona leni ki tinga tugu nni piama tuona ;

- yaa tuonjaali n diidi a cogibigbenga cogu tuoná (SENU) kani leni yaa tuonjaali n tiedi i ligi todima yaala tie u cogi leni mi lingima po (FONERĪ) kani yaa koanbadiegu n diidi a cogibigbenga cogu leni mi bancanma linginma yeli po;
- yaa tuonjaali n diidi baalo leni bonceli danba n maa yaa diedí tuona (SESESI) yaa koanbadiegu n diidi i dociami tinbuona boginma, leni mi tinfanma leni a dieduankaana nantaadi.

A koanbala taanli go nɔadi leni mi nińingbadima cogidieli **tuona** gobidikaaba liigiyua badinli leni Banfora diema logitodieciangu gobidikaaba liigiyua badinli.

## **A. YAA KOANBADIEGU N DIIDI BAALO SALIWUUDO LENI YAA TUONSOANBA N GAANI I NMAPANI YEMA DAMU**

A koanbala taanli tuo jaga **ta(03)**.

**Li jagikpiali** dini li bali o joa Bilesi Marisiali WEDARAWOGO, minteeligbengili, o tua baalo po tuona boginkoa yaa tuonjaali n die baalo tuonsoanba yaaba n gaa mi fuodima ligi pama ( KARIFO) kani, yaa koanbadiegu n die ti diema guudima tuona leni a minteelikpela maama yeli po u yogunkpialu po bina taa (03) ; o gaa o joa Jan Batisi PARIKUDA kaanu.

**Li jagilieli** pandi o joa Erinesi ke bi go yi o Abidulayi WEDARAWOGO, yaa tuonjaali n tie li gbaamoanli yaala n tie li laafiali bi niba kuli po (SENAMU) gobidikaaba cagili nni bina taa (03) siiga ke li tie bi tuonsoanba caga liigiyaaba yeli po.

**Li jagitaali** dini li bali o joa Wendipanga Amedi WEDARAWOGO, ke o tua a tuona gobidikoa yaa tuonjaali n die yaa tuonsoanba n tie pia bonceli tuonsoanba yaaba n gaa mi fuodima ligi paní (SENESESI) bina taa (03) siiga mi cilima po, ke li tie bi tuonsoanba sendikaanba caga yeli po ; wan lebidi yua tie o joa Inusa NANA.

**A. YAA KOANBADIEGU N DIE I LAABAALI, KU MAASUAGU,  
LENI YANLUADI GOADA TUONA**

A koanbala taanli tuo **jaga lie (2)**.

**Li jagikpiali** dini yaa niba n tie ne ke bi tua tuona gobidikaaba yaa tuonjaali n tie mi banma, ki ciaga leni ti junjundi tuona po (SENESA) kani ke li tie bina taa (03) mi cilima po.

**BAALO YELI PO GOBIDIKOA**

**yaa koanbadiegu n die i laabaali, ku maasuagu, leni yanluadi goada tuona :**

- O joa Yirimale Ferederiki **SOME** ke o lanba li tuonli nni tie **98 284 G**, ke o tie i laabaali tenma leni i tenma tundikoa.

**YUA N TUA A TUONA GOBIDIKOA YAA TUONJAALI N TIE MI  
BANMA, KI CIAGA LENI TI JUNJUNDI TUONA (SENESA) YELI PO**

- O joa **BASEMO**, o lanbo li tuonli tie, **11 13 032 A**, o tie tuosoanbando.

**Li jagilieli** goa ki pandi yaa niba n tie nne gobidima bala, yaa tuonjaali n tie mi banma, ki ciaga leni ti junjundi tuona po (SENESA) kani ke li tie bina taa (03) mi juodima po.

## **YUA N TUA TUONA GOBIDIKOA BAALO PO**

**Yaa koanbadiegu n diidi mi tagima tuonsoandiedi, u kpendu tuona leni u nuu tuonsoanbanma yeli nni :**

- O joa Buleenma **BASONGO**, o lanba li tuonli n tie, **212 300 N**, ke o tie yua n diidi i ligi tuona cenli tundikoa.

## **A TUONA GOBIDIKOA YAA TUONSOANJAANA N TUUNI BI YANFUODANBA TUONA GUUNLI PO**

**Yaa tuonjaali n diidi yaaba tagi bonla n pia yaa sani bi tuona nni yeli nni :**

- **TALIWALI** pua Selecitinni **SU**, o lanba li tuonli n tie **06 150 671**, ke o tie yua n diidi yua bua ki kua a yanyinla cagili nni leni yaaba n doagidi bi yula li tuonli nni tila todikoa .

## **B. YAA KOANBADIEGU N DIIDI TI DIEMA LOAGU LENI I LIGI TUONA**

A koanbala taanli tuo **jaga lie (02)**.

**Li jagikpiali** dini li bali o joa Arijima Kinta **TALIWALI**, o lanba li tuonli tie **261 242 J**, o baa baalo tuonli ki daa cogi, ki tua tuona gobidikoa baalo loagu kubili cogidielí (ENAREFI) kani a cogibila yeli po ke li tie wan tie a cogibila biilo cagili liigiyua yaa yogunu bianu.

**Li jagilieli** dini li bali o joa Usimaani **WATARA**, o lanba li tuonli tie **343 194 H**, ke o tie yua n diidi i ligi kuama leni i ñama a cogidiebila leni a cogidiecianma

tuona sanbila nni, ki tua gobidikoa yaa tuonjaali n die tiatia tuona mi diema nni (LONABE) kani bina taa (03) mi cicilima po ;

### **C. YAA KOANBADIEGU N DIIDI BU KPAABU LENI LI YANWUBILI TUONA**

A koanbala taanli tuo **jagiyenli** ke li dini li bali o joa Eduadi **KABORE**, o lanba li tuonli tie **247 184 L**, ke o tie yaaba n diidi i ligi tuona cenli tundikoa, ke o tua gobidikoa baalo yeli po yaa koanbadiegu n diidi mi tagima tuonsoandiedi, u kpendu tuona leni u nuu tuonsoanbanma, yaa tuonjaali n tuuni bu kpaabu leni li yanwubili tuona findima po (DKAFI) kani, bina taa (03) mi cicilima po.

### **D. YAA KOANBADIEGU N DIIDI MI NIÑINGBADIMA LENI U TAAYIENU**

A koanbala tuo **jaga tá(03)**.

Li jagikpiali dini yaa niba n tie li bali ban tua gobidikaaba mi niñingbadima cogidieli (INFTSI) bina taa (03) mi cicilima po.

### **YAABA N DINI LI BALI KI TUA A TUONA GOBIDIKAABA BAALO PO**

**Yaa Koanbadiegu n die mi niñingbadima leni todiyaba tuona kani :**

- Isaka **BANGERE**, o lanba li tuonli nni tie **55 789 E**, o tie a biñinda gobidikaaba canbaa.

## **YUA N BAA LI BALI A COGIBILA YELI PO**

- Simeyon **KABORE**, o lanba li tuonli nni tie **218 392 U**, o tie bi niba todima cogibiga, o bali baa dagini wan tie a cogibila liigiyua yaa yogunu.

**Li jagilieli** goa ki pandi Sumayila **SOROMI** bali, o lanba li tuonli nni tie **82 024 S**, o tie a biñinda gobidikaaba canbaa, o tua baalo tondo ki baa li bali laa koabadiegu tuonsoanba cogidiegu yeli nni u yogunjuodiko po binataa (03).

**Li jagitaali** goa ki pandi Sumayila **SOROMI** bali, o lanba li tuonli nni tie **82 024 S**, o tie a biñinda gobidikaaba canbaa, ki baa tie laa koabadiegu tuonsoanba cogidiegu tuona gobidikaaba cagili yudaano u yogunjuodiko po binataa (03).

## **E. LI LAAFIALI KOABADIEGU KANI**

LeLi Taanli taa **jagamuu (05)**.

**Li jagikpiali** dini li bali Benua **SANON**, o lanba li tuonli nni tie **118 894 Y**, o tie li pali lotogbengili, ke wan tua tuona gobidikoa ki kua a tuona gobidikaaba cagili nni Siniare lotodieciangu kani li bakpiali yogunu binataa (03) po.

**Li jagilieli** dini li bali **SONGO** pua Fatimata Serifi **WEDARAWOGO**, o lanba li tuonli nni tie **41 068 L**, o tie bi niba todima tuona bando, ke wan tua tuona gobidikoa ki kua a tuona gobidikaaba cagili nni kudugu lotodieciangu kani mi niñingbadima leni todiyaba koanbadiegu yeli nni, li bakpiali yogunu binataa (03) po .

**Li jagitaali** dini li bali yaa niba n nua ne ke ban tua baalo tonda ki kua a tuona gobidikaaba cagili nni Banfora lotodieciangu kani li bakpiali yogunu binataa (03) po.

**Li laafiali koanbadiegu kani :**

- Wendekuni Abiduli Asiisi **WEDARAWOGO**, o lanba li tuonli nni tie **233 950 S**, o tie lotogbeeli.

**Yaa koanbadiegu n diidi ti diema loagu leni i ligi kani:**

- Barayima **WATARA**, o lanba li tuonli nni tie **34 826 H**, o tie li bancangaali tuonsoancanbaa.

**Li jaginaali** dini li bali Wendekuni Abiduli Asiisi **WEDARAWOGO**, o lanba li tuonli nni tie **233 950 S**, o tie lotogbeeli, ke o tua a tuona gobidikaaba cagili liigiyua Banfora lotodieciangu kani li bakpiali yogunu binataa (03) po.

**Li jagimuuli** dini li bali yaa niba n nua ne ke ban kua a tuona gobidikaaba cagili nni bi tuonsoanba laafialo tuonsoandiegu (OYESITE) kani li bakpiali yogunu binataa (03) po.

**YAABA N BAA LI BALI BAALO YELI PO**

**Yaa koanbadiegu n die baalo saliwuudo leni yaa tuonsoanba n gaani i nmapani yema njamu :**

- Nufu **SAVADOGO**, o lanba li tuonli nni tie **278 899 G**, o tie bi niba gobidima tundikoa.

**YAABA N BAA LI BALI BULICINA BONCELI TUONJAANA YUDANBA YELI PO**

- Sijibu Mariselli **YAMEWOGO**, o tie Ilti kovesiri SA/SONARI Asiransi Health coversure (SA/SONAR Assurance) yudaano ;
- Saga Abiduli Kaderi **GANSONRE**, o tie ligikubilo leni bi niba gobidima yudaano Wendikuni banko kani.
-

## **F. YAA KOANBADIEGU N DIIDI KUURAN TUONA LENI KI TINGA TUGU NNI PIAMA TUONA**

A koanbala taanli taa **jagalie (02)**.

**Li jagikpiali** goa ki pandi Musa **SONGO** bali, o lanba li tuonli nni tie **231 033**, ke wan tua a tuona gobidikoa yaa tuonjaali n tuuni ki lebidi u yienu, mi ñima leni u faalu ke li kpandi kuuran (ANERE) kani u yogunjuodiko binataa (03) po.

**Li jagilieli** goa ki pandi **YUGIBARE** pua Wenneguda Mariyeti **MININGU** bali, o lanba li tuonli nni tie **117 291 N**, o tie cogibigbenga cogicanbaa, o tua baalo tondo yaa koanbadiegu n diidi a cogibigbenga cogu leni mi bancanma linginma yeli nni, ki kua a tuona gobidikaaba cagili nni yaa tuonsoandiegu n tuuni mi tintama leni mu tinmu piama bandima tuona (BIMISEBI) kani u yogunjuodiko binataa (03) po.

## **G. YAA KOANBADIEGU N DIIDI A COGIBIGBENGA COGU LENI MI BANCANMA LINGINMA**

A koanbala taanli taa **jagataa (03)**.

**Li jagikpiali** dini li bali Soulemani **KARANBIRI**, o lanba li tuonli nni tie **206 914 S**, o tie lotogbeeli, ke o tua baalo po a tuona gobidikaaba cagili yua li laafiali koanbadiegu yeli po, yaa tuonsoanjaali n die a cogibigbenga todima tuona (SENU) kani li bakpiali yogunu binataa (03) po ; o gaa Isayi MEDA yaa kaanu .

**Li jagilieli** goa ki pandi Isaka Alasani **WATARA** bali, o lanba li tuonli nni tie **220 406 Z**, ke o tua baalo po a tuona gobidikaaba cagili yua yaa koanbadiegu n diidi toriyaba, mi niñingbadima, u taayieniu leni ku diegu yema tuona yeli po,

li tuonsoanjaali yaali n die a cogibigbenga todima tuona (SENU) kani, u yogunjuodiko binataa (03).

**Li jagitaali** dini li bali Tariwendisega Ayimari **TIENDEREBEWOGO**, o lanba li tuonli nni tie **12 100 263**, o tie tundikoa bulicina lotori tuonsoanjaali kani, o tua i ligi todikaaba po a tuona gobidikaaba cagili yua yaa tuonjaali n kubi u cogu leni mi bancanma lingima ligi kani u yogunkpialu po binataa (03) ; o Wonuma Nicola MILOGO kaanu.

### **H. YAA KOANBADIEGU N DIIDI LI DIEMAALI, KI TINGA TILA BONGINMA LENI U YEKAANU TUONA**

A koanbala Taanli goa ki pandi Lidoviki Teegiwende **MINUNGU** bali, o lanba li tuonli nni tie **212 293 E**, o tie tundikoa a dobuona nanbima leni a findima tuona nni, o tua baalo po a tuona gobidikaaba cagili yua, yaa koanbadiegu n die ti diema tinbuona gobidima leni a sancena yeli po, ku tuonsoandiegu yaagu n gobidi a dieduankaana kubili (SESESI) kani u yogunjuodiko po binataa (03).



[www.sig.gov.bf](http://www.sig.gov.bf)

Guvenema Masoagindo  
Le Porte-parole du Gouvernement,



**Rimalba Jean Emmanuel OUEDRAOGO**  
*Officier de l'Ordre de l'Étalon*  
**Rimalaliba Jan Emanuweli WEDARAWOGO**  
*O baa Baalo jaandi leni Tanjoa maalima*

Tinunga 30 bonmu 30 nni